



*DON JOSE ANTONIO MOURELLE CILLERO, SECRETARIO DO CONCELLO DE
MONFORTE DE LEMOS (Lugo)*

CERTIFICA

Que o Pleno da Corporación na súa sesión ordinaria celebrada o día 30 de novembro do 2020, adoptou entre outros o seguinte acordo:

"5ª.- PROPOSTA DA ALCALDÍA PARA O RECOÑECIMENTO DO CAMIÑO DE INVERNO AO SEU PASO POR TORBEO-VILACHÁ-ROZABALES.

O ditame é favorable á proposta da Alcaldía, con seis votos a favor dos concelleiros/as do Grupo municipal socialista e catro abstencións dos concelleiros/as do grupo municipal do PP e dos concelleiros/as do Grupo Mixto, e que se someta a decisión plenaria.

Transcríbese a proposta da alcaldía:

Vista a solicitude presentada pola ASOCIACIÓN DE VECIÑOS DE VILACHÁ DE SALVADUR con data 29.10.2020 do seguinte tenor literal:

"O 25 de xuño de 2020 presentamos un informe técnico na Dirección Xeral de Patrimonio Cultural da Xunta de Galicia. Este é o órgano responsable da delimitación dos camiños a Santiago de Compostela.

Este informe, baseado en documentación histórica e informes toponímicos, certifica o paso do Camiño de Inverno polas seguintes parroquias: Torbeo, (Concello de Ribas de Sil), Vilachá de Salvadur (Concello da Pobra de Brollón) Rozabales, Villamarín, Caneda e Santa Mariña do Monte (Concello de Monforte de Lemos).

A certificación deste itinerario comezou co informe presentado en 1999 polo Concello de Monforte de Lemos e encargado pola actual presidenta da Asociación de Camiños a Santiago pola Ribeira Sacra, Aida Menéndez.

A alteración do trazado produciuse entre 2005-2006 ao pechar o complexo Augas Mestas que contaba cun catamarán que permitía o cruce do lado da Covela á Barxa e salvar así o río Sil.

A modificación por causas técnicas non nega nin desterra a tese de que o trazado orixinal fose o indicado anteriormente. Por tanto, con base no principio de rigorosidade histórica, o Camiño de Inverno orixinal debe recoñecerse como tal á espera das solución pertinentes pro parte das administracións públicas.

Ademáis do citado informe de 1999, e como resultado da investigación levada adiante pola nosa asociación, incorporamos tres teses que reforzan o trazado orixinal.



1º. O topónimo de Rozavales foi imposto no século XII polo rei Alfonso IX (o impulsor do Camiño de Santiago). Rozavales é a forma galega de Roscensvalles, que é o inicio do Camiño Francés e de aí a simboloxía da escolla. Ademais, acreditamos documentalmentemente a existencia dun hospital de peregrinos a carga da Cofradía do Hospital de Rocesvales e, no mes de setembro, descubriuse documentación no Arquivo dos Altos Pirineos que indican que a igrexa de Rozavales foi propiedade da abadía de Roncesvalles até 1246, cando pasa a ser propiedade da Catedral de Santiago de Compostela.

2º.-No Tombo B da Catedral de Santiago de Compostela dise que o rei Alfonso IX doa a igrexa de Salvador (topónimo anterior a Rozavales) a órde de Hospital de Rozavales. Por tanto, certifica a existencia dun "albergue de hospitalidade", como se entendía entón a palabra hospital.

3º.-Documentamos, grazas aos textos dos mosteiros de Montederramo e de San Vicente do Pino, a existencia dunha ruta durante os séculos XII-XIX (por tanto, dun camiño de uso continuado) entre Torbeo -Vilachá-Rozavales que ía dar a Monforte de Lemos. Esta ruta era a usada polo peregrinos do Camiño de Inverno.

SOLICITAMOS

A existencia do Camiño de Inverno foi recoñecido oficialmente polo Parlamento de Galicia mediante a Lei 5/2016 de 4 de maio de patrimonio cultural de Galicia (art. 73).

A partir de aquí comezan os traballos para a delimitación do percorrido (que aínda non é oficial). Por este motivo a nosa asociación enviou o citado informe técnico, que podería contar (se for o caso e así o solicitase a Xunta de Galicia) co aval de institucións académicas e científicas coas cales xa falamos (Universidade de Vigo, Univesidade de Santiago de Compostela, Instituto da Lingua Galega, Consello da Cultura Galega, Real Academia Galega e Consello de Toponimia da Xunta de Galicia).

Ademais, e para que conste nesta moción, en ningún momento esta asociación rexeita nin desacredita o actual tramo do Camiño de Inverno. Cremos que, como noutros puntos dos distintos camiños a Santiago (Samos-San Xil ou Tui-A Guarda), poden convivir as dúas alternativas de maneira oficial.

Polo tanto solicitamos ao Pleno:

1. O seu apoio á demanda desta asociación para o recoñecemento do Camiño de Inverno a Santiago de Compostela ao seu paso por Torbeo-Vilachá-Rozavales conforme á documentación histórica presentada.
2. O seu apoio para levar adiante as iniciativas necesarias para defender, difundir e promocionar este percorrido.



3. *A súa colaboración para solicitar á Xunta de Galicia os informes pertinentes para o recoñecemento oficial do Camiño de Inverno ao seu paso por Torbeo-Vilachá-Rozavales.*

Esta Alcaldía PROPÓN ao Pleno da Corporación:

Primeiro.- Prestar apoio á solicitude da Asociación de Veciños de Vilachá de Salvador para o recoñecemento do camiño de inverno a Santiago de Compostela ao seu paso por Torbeo-Vilachá-Rozavales, conforme á documentación histórica presentada.

Segundo.- Prestar apoio para levar adiante as iniciativas necesarias para defender, difundir e promocionar o percorrido referido.

Terceiro.- Solicitar á Xunta de Galicia os informes pertinentes para o recoñecemento oficial do camiño de inverno ao seu paso por Torbeo-Vilachá-Rozavales. "

Sometido o asunto a votación apróbase por maioría con doce votos a favor dos concelleiros/as do Grupo Municipal Socialista e dos concelleiros/as do Grupo Mixto e tres abstencións dos concelleiros/as do Grupo Municipal do Partido Popular."

E para que así conste e coa salvedade prevista no artigo 206 do ROF, expido e asino a presente de orde e co visto e prace do Sr. Alcalde,

En Monforte de Lemos. Na data da sinatura dixital